
Фарғона «Маданий анъаналар ва миллий таомлар фестивали»да

Фарғона вилоят туризмни ривожлантириш бошқармаси вилоят ҳунармандлари билан биргаликда 5 май куни Тошкент шаҳрида бўлиб ўтган «Маданий анъаналар ва миллий таомлар фестивали»да фаол қатнашиб, Фарғона вилоятининг туристик салоҳиятини ташриф буюрган хорижий вакилларга намойиш этишди. Фестивалда дипломатик миссия раҳбарлари ва уларнинг ходимлари, чет эллик нуфузли меҳмонлар ўзларининг тарихий-маданий анъаналарни акс эттирилган кўргазмалари ва миллий таомлар намойиши билан қатнашдилар.

Вилоятнинг туристик хусусиятларини акс эттирувчи ягона стенд билан Фарғона делегацияси "икат" услубида миллий матолар, шунингдек, керамик ҳунармандчилик буюмларини тақдим этди.

Кўргазмада ҳунармандлар ўзларининг туристик маҳсулотларини яна бир бор тарғиб қилиш имконига эга бўлдилар. Ўйлаймизки, миллий маҳсулотларимиз ҳамда уларнинг ишлаб чиқариш технологиялари намойиши вилоятимизда туризмни янада ривожлантиришга ижобий таъсир кўрсатади.

Тадбир сўнггида барча иштирокчиларни 16-«Маданий анъаналар ва миллий таомлар фестивали»да фаол қатнашгани учун диплом билан тақдирлаш маросими бўлиб ўтди.

К.Мўминова

2018-05-07 16:51:05